

Payí Jono eaní yoparínarinti.

Payí rína yoparí Jono eanínarinti. O xewaniñoyá yoí mítiní Jisasoyá sìyikí imónigfáyo wipenweañáoniyí níríniri lñwiráriñiniginti. Ámá Jono nuríri payí eajo xegí yoí Gaiasorinti. Jisaso rixa anínamí nípeyimáná xwiogwf aga obaxí nípwémáná ejáná Jono níñweañtsáná rixa xweyaní nerí aní yoí Epesasíyo níñweámáná payí rína eaníninginti.

¹ Jisasoyá sìyikí imónigfáyo wipenweaaríñáoni gí díñí sìxí ríyinjá Gaiasoxí nání payí rína eaaríñinti. Joxí nepa díñí sìxí ríyinjinti.

² Gí díñí sìxí ríyinjáoxinti, Gorixomí joxí nání rípi yarinjí ríwiiaríñárinti, “O Jisasomí pírániñí nìxídíri nání xegí díñí naní imóniñípí tñni xixení Gorixoxiñáyá díñíyo dání naní imóniñípini wímeari wará iníri éwíniñiginti.” yarinjí e ríwiiaríñárinti.

³ Negí nírrixímeáyí wí joxí nání áwaní re nírémeáqfá, “O nepaxiñí imóniñípí —Jisaso nearéwapíyinjípí nání raríñinti. Apí nìxídíri nerfná yapí bí mìneaiepisí apí tñni xixení yarinnti. Nepaxiñí imóniñípí nerfná axípí pírániñí xídarinti.” Áwaní e níraríñagfá arfá nìwirí nání nioní yayí seáyimí dání niníñfrinti.

⁴ “Díxí niaiwí imónigfáyí xwíyfá nepaxiñí imóniñípí fá nìxíriro xixení xídaríñot.” raríñagfá arfá nìwirfná yayí seáyimí dání

ninarīñfpí amípí wí nání yayí ninarīñfpí apí tñní xixení mimóniní.

“Nirixímeáyo arirá wiariñfpá síní axípí níwia úirixiní.” uríñf nániriní.

5 Gí díñf sítix riyináoxiní, joxí negí nirixímeáyo arirá níwirfná úrapí bí mìwikárí díñf ríñwiráripaxípí wíwapíyariñfriní. Nirixímeá joxí síní sítewí mìwíñiníf aí xegí bí marfáf, axípíni wiariñfriní.

6 Ámá ayí joxí díñf sítix nuyirí arirá wiariñfpí nání Jisasoyá sítikí imóninjwá re ñweanwaéne rixa áwaní nearigfawixiní. Joxí Gorixomí píráñiníf níxfdíríná epaxípí tñní xixení nerí óf e nání arirá níwiri níwiowáriríná yariñfpí nañí yariñiní.

7 Ayí rípí nání “Arirá wíririxiní.” ríraríñiní. Ámá ayí yoí Jisasí Kiraisoyá émá imónigfáyo wáf urímeaniro nuróná “Wáf nurírane aí wigí amípí ourápaneyí.” níyaiwiro amípí bí murápf yariñfá enagí nání ríraríñiní.

8 Ayí nání Gorixomí díñf wíkwíronjwaéne xwíyfá nepaxíñf imóninjfpí níriga eméwíñiginíri ayo arirá wíwaniginí.

“Sípí yariñfáyo ikaníñf mìwiaxídipaní.” uríñf nániriní.

9 Nioní wáf rímeareigfá ayí nání Jisasoyá sítikí imónigfá e ñweagfáyfné áwaní osearimíníri nání payí bí nearí seawírénapítagí aiwí segí ámá wo, Daiotírepisoyí ríñijo —O “Nioní seáyí e wimóninjáná wíñiyí ínimi onuríñpoyí.”

wimónaríñoríni. O xwíyfá none uraríñwá bí aráfá neaiaríñfímani.

10 Ayínání nioní seyíné tífí e nání níbíri amípí o yariñfyí nání waropárí seaimfáriñí. O mfkí wí menjagí aiwí none nání ikayíwfí rímeairíñfríni. “E nerína apáni yariñfíni.” miyaiwí none raríñwápi níwiaikíri nírixímeá segí tífámíni bífáyo mumímíñipa yariñfríni. Wíniyí wigí anfíyo nání nipemeámi waníro yariñagfá níwíñirína pírfí urakiaríñfríni. Apíni mé e yarigfáyo Jisasoyá sýikí imónigfáyfíne awí eánarígfe dání mímíxeámi yariñfríni.

11 Gí díñf sítixí ríyinjáoxíni, ámá nañf yarigfáyf Goríxo tímeanfíñiñf imóníñoi. E nerí aí sípí yarigfáyf Goríxomí síní sínwfí mí mítwómítixigfáyfríni. Ayínání joxí sípí imóníñfpimi ikaníñfí mítwiaxfíipa nerí nañfpimíni ikaníñfí wiaxfídfíxíni.

12 Demitíriaso nání ámá níni “Nañoríni.” rarigfóriñí. Xewaniñjo xwíyfá nepaxiñfí imóníñfpí níxídirína neríñfpimi dání ení “Nioní ámá nañoríni.” níriri sítwániñfí neainaríñoríni. None ení “Nañoríni.” uraríñwáoríni. Xwíyfá none raríñwápi nepa imóníni. Joxí níjíá e imóníñagi nání raríñini.

13 Joxí nání “Payf oeámíni.” niyaiwirína ríwamíñfí obaxí ayá wí eapaxí aiwí “Nípíni níriri payf rínamí oeámíni.” mítimónaríni.

14-15 E nerí aiwí “Nioní síní mé níbíri nísímeámáná axí e dání xwíyfá rínanfíwíríni.” niyaiwiri díñf ikwímonjíni. Joxí pírániñfí oríwayíróníni. Níkumítixinrí emearíñwáyf

re dánî yayí seaiwárénaparíŋoí. Joxí tñni
níkumíxinírî emearígťáyo e dánî womíñi
womíñi yayí níwiéra ú+ríxíñi.

Xwiyá Gorixoyá Siñípírini
The New Testament in the Ankave language of Papua
New Guinea
Nupela Testamen long tokples Angave long Niugini
copyright © 1990 Wycliffe Bible Translators, Inc.

Language: Angave (Ankave)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-03

PDF generated using Haiola and XeLaTeX on 18 Mar 2025 from source files
dated 31 Aug 2023

7a156761-2cde-5bbc-8428-650a73434051